

ՀԱՇՎԵՏՎՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՊՈՐՏԻ ԵՎ ԵՐԻՏԱՍԱՐԴՈՒԹՅԱՆ ՀԱՐՑԵՐԻ ՆԱԽԱՐԱՐԻ ՏԵՂԱԿԱԼ ԱՐՍԵՆ ՔԱՐԱՄՅԱՆԻ ՌՈՒՍԱՍՏԱՆԻ ԴԱՇՆՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը՝ Արսեն Ռոբերտի Քարամյան

2. Զբաղեցրած պաշտոնը՝ Հայաստանի Հանրապետության սպորտի և երիտասարդության հարցերի նախարարի տեղակալ

3. Գործուղման վայրը և ժամկետները՝ Ռուսաստանի Դաշնություն, Մոսկվա, 2017 թ. հոկտեմբերի 11-13-ը

4. Հրավիրող կողմը՝ Ռուսաստանի Դաշնության կրթության և գիտության նախարարություն, Երիտասարդության հարցերի դաշնային գործակալություն

5. Գործուղման նպատակը՝ Մասնակցություն երիտասարդական քաղաքականության իրականացման պետական լիազոր մարմինների ղեկավարների միջազգային նախարարական հանդիպմանը

6. Քննարկված թեմաները

Մասնակից երկրների կողմից պետական երիտասարդական քաղաքականության գերակա ուղղությունների պանելային ներկայացում և քննարկում հետևյալ ոլորտների սահմաններում՝

- Կրթություն և գիտություն
- Էկոլոգիա և առողջապահություն
- Միջազգային անվտանգություն

7. Հանդիպումները, ելույթները, բարձրացված կամ քննարկված հարցերը

Պանելային քննարկման ժամանակ ներկայացվել է «Տարածաշրջանային անվտանգության մարտահրավերները երիտասարդների համար. հայաստանյան մոտեցում» վերնագրով ելույթը: Հայաստանի Հանրապետության կողմից երիտասարդների հիմնախնդիրների շարքում կարևորվել է նրանց անվտանգությունը, ինչպես նաև իրենց ապագայի համար ներդրումներ անելու և իրենց երկրի զարգացման համար կայուն հիմքեր ստեղծելու հնարավորությունը: Նշվել է, որ միջազգային և տարածաշրջանային անվտանգությունը կարևոր է յուրաքանչյուր երիտասարդի ինքնադրսևորման, սոցիալական և տնտեսական ներգրավման համար: Անվտանգ շրջակա միջավայրը երիտասարդների համար հիմնական երաշխիքն է՝ գործելու և զարգանալու ու իրենց երկրի ապագան կերտելու համար: Մասնավորապես հնչեցվել է, որ Հայաստանի Հանրապետությունը ավանդաբար ջանք չի խնայում

Լեռնային Ղարաբաղի հակամարտությունը խաղաղ միջոցներով լուծելու համար, որը կապահովի անվտանգ միջավայր տարածաշրջանի բոլոր երիտասարդների ինքնաիրացման համար: Իսկ դրա լուծումն անմիջականորեն հենված է երկխոսության և փոխզիջման վրա, ինչը չի կարող ենթադրել ավելի ցածր կարգավիճակ, քան Արցախի Հանրապետության ներկա կարգավիճակն է:

Տեղի է ունեցել նաև ճանաչողական այցելություն գիտության և ինովացիայի «Սոլկովո» կենտրոն, որտեղ ուսումնասիրվել են կենտրոնի ձեռքբերումները և հնարավորությունները, քննարկվել են հետագա համագործակցության հեռանկարները:

Հանդիպման վերջին օրը Հայաստանի Հանրապետության պատվիրակությունը մասնակցել է Երիտասարդության և ուսանողության XIX փառատոնի բացման շքահանդեսին:

Տեղի է ունեցել նաև աշխատանքային հանդիպում Բելառուսի Հանրապետության կրթության նախարար Իգոր Կարպենկոյի հետ: Քննարկվել են երիտասարդության ոլորտում հետագա համագործակցության հարցերը: Կողմերը ցանկություն են հայտնել միավորելու ջանքերը երիտասարդների կրթական, մշակութային փոխանակման ծրագրերի ոլորտում:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Բելառուսի Հանրապետության կրթության նախարարի կողմից հնչեցված հրավերի հիման վրա ձեռք է բերվել պայմանավորվածություն՝ 2019 թվականի հունվար-փետրվար ամիսներին այցելել Մինսկ՝ երիտասարդական համագործակցության ոլորտում կնքված հուշագրի սահմաններում միջոցառումների պլանը քննարկելու և հաստատելու համար:

9. Գործուղվողը՝ Արսեն Ռոբերտի Քարամյան

Ստորագրությունը, ամսաթիվը



Արսեն Ռոբերտի Քարամյան

17.10.2017 թ.